



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalm. CL. Laudate Dominum in sanctis eius.

urn:nbn:de:hbz:466:1-44993

4. I A 3 namque fouens vult populura suum,
Ornabitque humiles ipse saluifer:
5 Securos adiget dulce decus pios
Lectis concinere in suis.
6 Vt FORTE Mque ferat laudibus affluens
Horum guttur erit, tum gladium manus
7 Stringens ancipitem, quo populis graues
Poenas, gentibus & paret:
8 Vt reges manicis stringere, vinculis
Magnates valeant claudere ferreis:
9 Et praescripto vt eos iudicio mali
Admissi aficiant reos.
Ipse at splendor & est omnibus vnica
Virtus nempe bonis atque nitor suis,
Clarabitque pios quotquot erunt, sacrum hos
Valde, ac perpetuum decus.

PSALM. CL.

Laudate Dominum in sanctis eius.

PERORATIO GRATVLATORIA, CHRIS-
TO MVNDI SALVATORI, ATQVE
HVMANI GENERIS AMPLI-
FICATORI EFFICACISS.

- x. Haleluiah. *Carmen Sapphicum.*
L Audibus fortem celebrate in alta
Ipsius sede & folio sacrato;
Dicite hunc rerum validè efficacem
Aethere vasto.
2 Fortia atque huius celebrate gesta
Clara mortali generi, atque magnis
Laudibus magnum memorate multis
Nominibusque.
3 Cornua hunc acres resonent tubæque,
Spiritu ac pleno referat tumens hunc
Nablium, claros cithara eloquatur
Huius honores.
4 Tympana hunc laudent, alacres chorique;
Dispar hunc iunctis calamis cicuta
Rumpat; huic blandas minuatque longa
Tibia voces.
5 Tinnula hunc ludo recinant loquaci
Sistra, & hunc pulsū crepitante sinistra:
6 I A H sonet nomen, celebrétque laudes
Halitus omnis.

FINIS LIBRI PSALMORVM.